

Cynulleidfa darged

pobl ifanc 11-14 oed

Gwybodaeth gefndirol am thema Diwrnod Defnyddio'r Rhyngwrwyd yn Fwy Diogel 2017, 'Ewch ati i newid pethau: Dewch ynghyd er mwyn cael rhyngwrwyd gwell'

Mae rhwydwaith Insafe wedi dewis y thema hon i fod yn thema Diwrnod Defnyddio'r Rhyngwrwyd yn Fwy Diogel ar draws y byd, gan ei bod yn adlewyrchu pwysigrwydd holl randdeiliaid y rhyngwrwyd yn mynd ati i wneud newid cadarnhaol. Gall y newid hwn gael ei wneud gan unigolion, ysgolion/ colegau, sefydliadau, asiantaethau gorfodi'r gyfraith a'r diwydiant rhyngwrwyd ei hun. Mae'r thema'n annog pobl ifanc i gydweithio er mwyn bod yn gadarnhaol, yn ddiogel ac yn barchus ar-lein. Yn y DU, bydd yr ymgyrch yn archwilio'r ffyrdd y mae pobl ifanc yn defnyddio delweddau a fideos er mwyn cyfathrebu ar-lein, a sut y mae modd i hyn effeithio ar eu safbwyntiau, eu lles a'u henw da.



Sleid 1

Mae'r gwasanaeth hwn yn sôn am Ddiwrnod Defnyddio'r Rhyngwrwyd yn Fwy Diogel 2017.

Caiff Diwrnod Defnyddio'r Rhyngwrwyd yn Fwy Diogel ei redeg yn y DU gan Ganolfan Rhyngwrwyd Mwy Diogel y DU ac mae'r thema eleni, sef 'Ewch ati i newid pethau: Dewch ynghyd er mwyn cael rhyngwrwyd gwell' yn neges rymusol. Yn ystod y gwasanaeth hwn, byddwn yn ystyried yr hyn y gallwch chi ei wneud eich hun a gyda'r rhai o'ch cwmpas i newid y rhyngwrwyd er gwell.



Sleid 2

Mae'r rhyngwrwyd yn lle anhygoel lle y gallwn rannu llawer iawn o wahanol ddeunydd, gan gynnwys sylwadau, lluniau a fideos.

- Pa apiau yw'ch hoff rai chi er mwyn creu, golygu a rhannu delweddau?
- Trafodwch hyn am 30 eiliad gyda'r unigolyn sydd wrth eich ymyl, a rhannwch eich atebion fel grŵp.
- A oes unrhyw rai yr ydych yn hoff o'u defnyddio, nad ydynt yn ymddangos ar y bwrdd?



Sleid 3

Mae llawer o apiau'n caniatáu i chi dynnu delweddau, eu lanlwytho a'u golygu, a dyma rai ystadegau diddorol am rai o'r gwefannau a'r gwasanaethau mwyaf poblogaidd:

- Ar Instagram, mae delweddau a fideos yn cael eu hoffi 8,500 gwaith yr eiliad a gwneir 1,000 o sylwadau yr eiliad amdanynt
- Anfonir 400 miliwn o negeseuon snap ar Snapchat bob dydd
- Ar Instagram, mae lluniau sy'n dangos wynebau 38% yn fwy tebygol o gael eu 'hoffi' na lluniau heb wynebau
- Caiff 1.8 miliwn o ddelweddau eu lanlwytho i'r rhyngwrdd bob dydd
- Caiff 300 miliwn o luniau eu lanlwytho i Facebook bob dydd




Sleid 4

Mae'r rhyngwrdd yn ffordd wych o rannu delweddau'n gyflym a gyda chynulleidfa eang.


- Yn eich barn chi, pam bod pobl yn rhannu delweddau?

Efallai y byddwch yn dymuno cael atebion ar yr adeg hon, neu ddarllen y rhestr.



Sleid 5


Rydw i'n siŵr bod y rhan fwyaf ohonoch chi wedi lanlwytho delweddau i'r rhyngwrdd o'r blaen a nawr, hoffwn i chi feddwl am y ddelwedd ddiwethaf i chi ei phostio neu ei rhannu ar-lein. Efallai mai llun ar Snapchat neu Instagram oedd hwn, neu efallai memyn ar WhatsApp. Meddyliwch am y ddelwedd hon wrth i mi ofyn y cwestiynau canlynol i chi.



Sleid 6

1. Pwy welodd hwn ar y pryd a phwy fyddai'n gallu ei weld nawr?
2. A fyddai pawb yn deall y ddelwedd neu a allai'r ddelwedd fod yn gamarweiniol?
3. Os oedd yn ymwneud â rhywun, a fydddech chi wedi dweud hynny wrthynt i'w hwyneb?
4. Pe byddai'ch post yn lledaenu'n wyllt, a fydddech chi'n hapus?
5. A ydych yn hapus bod hwn yn rhan o'ch ôl troed digidol?

Os mai 'na' neu 'nid ydw i'n siŵr' oedd eich ateb i unrhyw rai o'r rhain, dylech oedi ac ystyried pwy yr ydych yn anfon y ddelwedd atynt, sut y gallai beri i eraill deimlo a sut y mae'n effeithio ar eich enw da chi cyn i chi bostio delwedd y tro nesaf.



Sleid 7

Er ein bod yn gweld, yn rhannu ac yn mwynhau nifer fawr o ddelweddau a fideos cadarnhaol ar-lein, mae nifer o bethau nad ydym yn dymuno'u gweld hefyd. Gallai hyn fod yn rhywbeth sy'n peri i chi ofidio, drysu, teimlo'n drist neu deimlo'n ofnus hyd yn oed. Gallai fod yn rhywbeth wedi'i gyfeirio at eraill ar-lein sy'n sarhaus, yn glwyfol neu'n gas hyd yn oed yn eich barn chi.

- Beth mae modd i ni ei wneud os byddwn yn gweld rhywbeth ar-lein sy'n ein gofidio neu sy'n peri i ni deimlo'n drist?


Cadwch olwg am y botymau adrodd ar wahanol wasanaethau ac apiau, sy'n rhoi'r grym i chi roi gwybod i'r gwasanaeth bod y cynnwys hwn yn annerbyniol.

Fel y gwelsom o'r ystadegau a nodwyd yn gynharach, mae nifer enfawr o luniau a fideos yn cael eu creu ar rwydweithiau cymdeithasol bob eiliad, ac mae'n anodd i'r rhwydweithiau hynny weld popeth a allai fod yn annerbyniol neu y gallent fod yn torri eu rheolau. Dyma pam ei bod yn bwysig ein bod ni yn cymryd rhan ac yn gweithredu mewn ffordd gadarnhaol trwy adrodd pethau, fel bod modd iddynt gael eu dileu'n gyflymach; nid yn unig er ein mwyn ni, ond er mwyn pawb arall sy'n defnyddio'r gwasanaeth hwnnw.

Sylwer – Ar ôl adrodd am rywbeth, bydd y rhwydwaith yn bwrw golwg arno, ee Facebook, ynghyd â'r adroddiad. Os yw'n torri'r gyfraith neu eu hamodau a thelerau, byddant yn cymryd camau. Bydd y camau eu hunain yn dibynnu ar y cynnwys.




Gallai gael ei ddileu neu fe allai'r cyfrif sy'n gyfrifol amdano gael ei ddileu neu gael 'amser i ffwrdd' o'r gwasanaeth.



Sleid 8


Rydym yn dymuno sicrhau bod delweddau y byddwn yn eu postio ar-lein yn ein dangos mewn golau cadarnhaol – felly beth mae modd i ni ei wneud?

Rhowch amser i'r disgyblion roi awgrymiadau cyn clicio a datgelu rhai atebion awgrymedig.



Sleid 9

Gall delweddau fod yn hynod o bwerus. Gallant adrodd stori, anfon neges, ysgogi emosiwn neu greu atgof. Bob tro y byddwn yn postio delwedd ar-lein, mae angen i ni ystyried ei grym, yr hyn y mae'n ei ddweud a sut y bydd yn peri i bobl deimlo ... dylech eu defnyddio mewn ffordd ddoeth.



Sleid 10

Gallwn wneud gwahaniaeth ar-lein, ond a oes modd i ni wneud hyn ar ein pen ein hunain? Nac oes, mae heddiw'n ymwneud â chydweithio er mwyn sicrhau newid.

Felly ...



Sleid 11

Ewch ati i newid pethau a dewch ynghyd er mwyn cael rhyngrwyd gwell. Gyda'n gilydd, gallwn wneud gwahaniaeth i'r ffordd y defnyddir y rhyngrwyd a sut y mae'r peri i eraill deimlo.